



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 23. De commutatione voti,

[urn:nbn:de:hbz:466:1-78332](#)

Intelligitur autem istud tam de dispensatione facienda per Papam, quam de facienda per inferiores Praelatos, prout expresserunt Palud. in 4. dist. 38. quæst. 4. art. 2. concl. 2. Caiet. in verbo Votum, cap. vltimo, D. Anton. 2. par. tit. 11. cap. 2. §. 9. notab. 3. Sylu. verbo Di[sc]ensatio[n]e, quæst. 3. Sotus lib. 1. De iustitia & iure, quæst. vlt. art. vlt. Quod adeo verum est, vt si absque iusta causa Summus Pontifex cum aliquo dispenseat in voto, non solum ipse peccet, sed etiam is cum quo dispenseat, tutus non sit in conscientia, vt idem auctores adhuc annotant, & cum eis Nauar. in Enchir. cap. 12. num. 76. ex citata glossa, quam ad idipsum cap. Non est, Panormit. sequitur. Inde merito inferens, quod si Papa absque iusta causa cum professo dispenseauerit, vt ad laxiorem religionem transfract, is non sit securus quoad Deum. Potest etiam merito inferri cum Soto in 4. dist. 38. quæst. 2. art. 1. concl. 1. quod is cum quo Papa in voto castitatis linea causa dispenseauit, non maneat tutus in conscientia. Quod idem est eadem ratione, de similibus dicendum: ac multo magis cum aliquis inferior Papa in votis absque causa dispenseauerit.

Verumtamen id intelligendum est procedere, quando nulla apparet adest causa dispenseandi. Communiter enim receptum est, quod ibid. habet D. Thom. si causa apparet adest ex qua dubium saltem est, num ob eam data dispensatio sit legitima, dispensatum stare posse iudicet. Praelati sui dispensantes, illiusq. iudicio suum proprium postponere. Ceterum causæ dispensandi in votis possunt tripliciter esse iusta, prout notat Sotus 7. De iust. & iure, quæst. 4. art. 3. vers. Ad illorum, nempe ratione materiæ, ratione vountis, & ratione boni communis.

Ac ratione materiæ, sunt omnes illæ ex quibus efficitur, vt maius bonum in voti dispensatione cernatur, quam in illius executione: prout Caiet. exprefit in verbo Votum cap. vltimo, & D. Thomas loco citato attigit. Solet vero, vt addit[us] Caiet. huiusmodi majoritas boni ori ex eo, quod executio voti redatur vel illicita, vel inutilis, vel maioris boni impeditiva: quas tres causæ dispensationis tanquam legitimas D. Thomas posuit in memorata quæst. 88. art. 10. & post cum Sylvest. in verbo Votum 4. quæst. 6. Sotus in memorato art. 3. ac Nauar. in memorato item num. 76. Qui & admonet ex eodem D. Thom. id non procedere, cum clarum fuerit & apertum, aliquam ex talibus causis interuenire, quia tunc dispensatio necessaria non est, sed sufficit interpretatio, qua declaretur votum in eo casu non habere vim. Nam sicut votum non habet vim, si tunc cum ipsum sit talis est materia qualem praediximus, illicita iniquam, aut inutilis, aut maioris boni impeditiva: ita & postea id ipsum vim suam amittit, quando materia facta est talis; nempe illicita vel inutilis vel maioris boni impeditiva: ac proinde non eget dispensatione, si res sit aperta. Id quod Caiet. notat 2. 2. quæst. 88. art. 2. *Dubio Virum in differentia possint esse voti materia, & in responsione ad tertium.*

Adverte vero quod hic dicitur de materia inutili, aut impeditiva maioris boni: dici æque debere de ea, quæ posse moraliter esse causa spiritualis ruinæ; quia talis occasio multū derogat fini voti: ideoq. cauenda est per dispensationem: ne quod introductum est pro charitatis perfectione, in dispensandum illius vergat. Et ita in voto nunquam peccandi mortaliter, datur sufficiens causa dispenseandi ob materia periculosa[m]; itemq. in coniugali voto non petendi debitum, & similibus periculosis. Videri potest Suarez in sœpe citato lib. 6. cap. 17. num. 9.

Ratione vero vountis, legitima dispensandi causa censetur infirmitas ipsius, ac debilitas ad impletum votum. Ea enim potest tanta esse, de quo dari nequit certa regula: ita vt debeat arbitrio Superioris relinquiri definiendum, inquit Nauar. in seq. num. 77. vt non solum possit ei votum commutari, sed & ab eo per dispensationem tolli obligatio illius: prout fatentur Sot. in eod. art. 3. vers. 1mo tanta; & Nauar. in eod. num. 77. insinuat q. Caiet. 2. 2. quæst. 88. art. 12. col. 2.

Additq. ibidem Sotus (et in lib. 1. De iust. & iure, quæst. vlt. art. vlt.) quod implere votum, difficile molestatumq; sit, esse vero legitimam causam in eo dispenseandi, quando difficultas & molestia ex ipsa nascitur: nempe quia res est ardua & viribus vountis impar: vt auferum aliquod ieunium, vel longa peregrinatio: non tamen quando ex corrupta eiusdem

vouentis affectione procedit; quia cum votum institutum ad medendum præcō affectioni, hac non potest illius tollendi causa esse legitima. Exemplum est, si quis ideo tantum moleste ferat ieiunium, quod fit deditus gulæ.

Aliæ adhuc ex parte vountis assignari possunt iusta causæ dispensandi votis: quales sunt, q. dubitetur de confusu vountis, id est, quod ambigatur consenseritne in votum. Deinde quod factum sit repentina deliberatione, vt solet ex timore repentinorum malorum. Vide antedicta in cap. 19. sect. 2. Præterea quod factum sit ex animi levitate aut subita perturbatione, aut facilitate in votuendo, quemad. ex Panor. & D. Ant. habet Nauar. in eod. quoque num. 77. aut metu, vi, dolore extortum sit: quia ratione emissum Ecclesia relaxat perinde ac iuramentum præstitu[m] furiis soluendis; vel præstitu[m] latroni aut tyro[lo] ad vitandam illorum vexationem. Addo & quando probabiliter creditur vountem ita affectu esse, vt votum sapientius violaturus sit aut obliuioni traditur. Illa enim infirmitas animi censeri potest causa sufficiens, sicut infirmitas corporis.

Denique ratio ne boni communis, iusta causa datur dispensandi in voto, quando ipsum obstat eodem bono: vt votum ieiunij in doctore qui propter illud concionandia docendi munus Recip. vtile exercere non potest; & votum continentia emissum a pueris, quo impeditur ne matrimonium inire possit ad auerendum graue dannum Reip. aut ad tollendam ab ea multa scandala; quod est bonum maius, quam à coniugio abstinere. Addit[us] vero Sotus, vt & Caiet. loco cit. boni illud propter quod dispesatur in voto, debere esse melius & pretiosius: atq. adeo iudicari magis ad Christi gloriam cōducere, quam voti materia & vinculum simul.

Ratione autem boni tantum particulario, Sotus ibidem negat licitum esse in voto dispenseare: quod Nauar. in cit. nu. 77. improbat: inquitq. ad id sufficere utilitatem priuatam, quæ talis sit ut ad Dei gloriam magis conductat, quam voti materia & illius vinculum simul. Tunc enim votum merito censetur esse de bono impeditivo maior. Sic votum patris familiæ per grimandi Ierosolymam, dispensabile est, ob grauem aliquam familie necessitatem, cui subuenire tenetur.

Ceterum Superiores cauere debent ne dispensatione vatis sine necessitate; scilicet fieret si impedimento quod votum adferat obviare possint per illius commutationem. Etenim peccarent alioqui tanquam dispensatores infideles, vt Sotus ipse ibid. air. Qua de re plenius Suarez in cit. cap. 17. num. 16. Verumtamen quando causa non est omnino iusta: ille qui potestatem habet tam ad dispensandum, quam ad commutandum votum, potest ipsum partim dispensando, partim commutando relaxare: nimur imponendo vountem aliquam voti sue æquale, sive eam eu minus; ex doctrina Caiet. 2. 2. quæst. 88. art. 12. quam approbat Nauar. in Enchir. cap. 12. num. 63. Addit[us] ex Angelo in verbo Votum, 4. quæst. 12. dispensanti in voto, attendendum esse quid licet secundum æquitatem, quid deceat secundum honestatem, & quid expedit secundum utilitatem vel necessitatē. Addit[us] etiam dispensantem in voto sine iusta causa, peccare mortaliter: quia potestate sua abutitur in re gravi; illamq; excedens nihil facit, & sic decipit subditum suum, fatigando auferre ab eo vinculum, quod auferre nequit.

C A P . XXIII.

De commutatione voti.

S V M M A R I V M.

- 346 Quid sit votum commutare, & quid redemptio voti à commutatione differat.
 347 Ad voti commutationem necessaria est Ecclesiæ autoritas, nisi fiat in evidenter melius.
 348 Quid requiratur quādo commutatio sit in bonum quod non est evidenter melius, aut evidenter est æquale.
 349 Prester Praelati autoritatem requiritur iusta causa.
 350 Qua ratione ad voti commutationem estimandum sit melius esse, aut æquale, aut deterior bonum illud in quo sit voti commutatio.

- 351 Commutans votum debet ad id habere potestatem vel ordinariam vel delegatam; qua r^{it} a^rz, carens Confessarius, nihil facit si commutare tenet.
- 352 Probabile est cum per Bullas Iubileorum Confessariis committitur facultas commutandi vota, intelligendam esse de commutatione in aequali.
- 353 Notanda prouisa facultatis concessa alicui ad eligendum aliquem, à quo votum e relaxetur.
- 354 Delegari in hac debet seruare formam sibi prescriptam, & quid circa re eruata posse, aut non posse.
- 355 De promissione facta Deo dandi aliquid certo loco, aut certa persona.
- 356 Consideranda in commutatione votorum.
- 357 Commutationem voti fieri debere sicutem in aequali.
- 358 Explicatio dubij, An semper sufficiat commutationem fieri in aequali.
- 359 Ad commutationem voti in minus bonum requiritur cum iusta causa, coniunctio potestatis dispensandi cum potestate commutandi.
- 360 Non valent dispensatio & commutatio voti, nisi proueniant à voluntate libera, tanquam actus humani.
- 361 De forma dispensandi aut commutandi vota.
- 362 Quando facta commutatione voti in quam voulens consensit, is posset id in quo illa facta est omittere, & suum votum seruare.

COMMUTARE votum nihil est aliud, quam materiam de qua emisum est, mutare in aliam: ut peregrinationem in orationes, aut ieunia, ex doctrina D. Thom. 2. quest. 88. art. 10. communiter recepta. Solet vero commutatio peculiari nomine redemptio appellari, quando votum mutatur in pecuniam, vel in aliud quod assimilabile est pecunia: ut si votum peregrinationis ad D. Iacobum mutatur in tantum pecuniarum erogandatum in elemosynam, quantum expendendum fuisset cundo & redeundo: prout habet Palud. in 4. distinc. 38. quest 4. art. 3. Qui quamvis velit à commutatione redemptionem differre, sicut emptionem à permutatione: non videtur tamen quoad rem esse inter vitramque distinguendum; sicut nec D. Thomas loco cit. distinxit, ut bene notat Sylvest. in verbo Votum, 4. quest. 1. sub finem.

Ex quibus sequitur, quod etiamsi per dispensationem vinculum voti solvatur: prout in preced. cap. habitum est: per commutationem tamen, & redemptionem non solvatur: quemadmodum notant Caet. in verbo Votum, cap. ultim. Couar. ad cap. Quamvis pactum, 1. part. §. 3. num. 4. & Naur. in commentario indulgentis notabilis 27. num. 2. adeo ut ex codice Caet. ad cit. D. Thomas, art. 10. in commutatione sola materia voti transmutetur, manente eodem vinculo: atque voulens, ad id in quod commutatum est votum, teneatur ex eiusdem voti vinculo: non autem ex vi alienius alterius praeposte. Quod idem sensit Sorus de iust. & iure, lib. 7. quest. 4. art. 1. Ex eo autem sequitur Sylvestrum verbo Votum, 4. in principio, perperam sensisse in commutatione & redemptione, annulationem obligationis voti interuenire: nisi dicat ipsum tantum voluisse obligationem voti cessare circa illam materiam præcise, circa quam antea versabatur. Cum vero hoc ita sint apertum est plus esse dispensare in votu, quam votum commutare, quandoquidem per dispensationem tollitur voti vinculum, non item per commutationem.

De potestate commutandi votum.

SECTIO I.

CETERUM, ut ad votorum dispensationem, sic & ad commutationem necessaria est Ecclesiæ authoritas ex communiter recepta D. Thom. sententia in seq. art. 12. vbi cam probat: qui cum votum sit promissio Deo facta, de eo quod ipsi gratum, acceptumque est; voti commutatio fieri debet tam in id quod Deo gratum est & acceptum. Quid autem tale sit, pendet ex ipsius arbitrio; quod declarare spectat ad Pralatos Ecclesiæ, vices illius gerentes: de quibus dixit Luc¹⁰. Qui vos audit me audit.] Difficilis est autem, cum mutatio unius in aliud fieri

possit; vel in melius, vel in aequali, vel in diuersius: An eiusmodi necessitati locus sit, quando votum mutatur in aliquid certo & evidenter melius. Nam nec tunc commutationem fieri posse propria autoritate, aliqui sentiunt: plures vero sentiunt posse; vtroque refutant Suarez in memorato lib. sexto, cap. 18. & Azor in ante citato lib. 11. cap. 18. quæst. 1. qui posterioribus merito assentuntur. Quia, ut bene ibidem num. 6. Suarez argumentatur, talis voti commutatione consentanea est fini voti, qui est promouere homines ad bonum melius, & Deo gratius. Cui promotione propria etiam autoritate consulere per eiusmodi commutationem non esse alienum à ratione patet: quia quando in promissione moraliter certum est creditorem acceptare solitionem, certum etiam est eam sufficere ad promissionem implemandam. Sed certum est moraliter acceptari à Deo obsequium maius, ei delatum loco minoris: cum velit semper fieri à nobis quod melius; atque adeo ipsi gratius est. Ergo in delatione eiusmodi per voti commutationem, nihil est opus Pralati autoritate: cum hæc ex D. Thoma in citato art. 12. ideo illa requiritur ad voti commutationem; ut ipse definiat, id in quod sit voti commutatio, esse Deo gratius & acceptius. Accedit illud, ex cap. Peruenit 2. De iure iuri. Non infringit propositum aut promissum, qui illud in melius commutat. Et illud in cap. Scripturæ, De voto. Reus fracti voti non habetur, qui tempore obsequium in perpetuam noscitur religionis obseruatiam commutare. Et quod in cap. Licit, De regularibus, concedatur transitus de laxiori religione ad strictiorem non obtenta Superioris licentia.

348.

Illud autem quod habetur in cap. 1. De voto. Ex eius qui presidet, pendet arbitrio, ut consideret diligentius qualitatem personæ & causam commutationis. Illud, inquam, pertinet ad casum, in quo incertum est, an id in quod sit commutatio voti, sit quid melius. In quo ad voti commutationem requiri autoritatem Superioris, nemo negat: quia cum votum sit promissio facta Deo de re ei grata: in tali casu opus est exploratione voluntatis Dei, ad quam necessaria est authoritas Pralati: qua tanquam regens Dei vices, in persona illius declarat ac determinet, an illud in quod sit commutatio, sit quid gratius & acceptius Deo.

Porro ad voti commutationem in minus bonum, necessaria est Pralati autoritatem negari non potest: quia in illa admiscentur dispensatio, quia condonetur pars eius, quod ex voto debetur Deo. At Pralati autoritatem necessariam esse ad quamvis dispensationem voti, satis patet ex dictis in precedenti cap. Quare erit ad propositam commutationem. Licit autem aliqui negent talem autoritatem esse necessariam ad voti commutationem in aequali, quorum Suarez memini: initio sequentis cap. 19. multo plures tamen sunt affirmantes contrarium, quos ibidem numer. 3. refert & sequitur Suarez ipse, assentiturque Azor in memorato cap. 18. quest. 2. Nec immerito: quia quoties in commutatione voti incertum est, an ea fiat in id quod est Deo gratius, authoritas Pralati est necessaria, ut satis indicant verba ante proposita ex cap. 1. De voto. Cum ergo difficultatum sit in eadem commutatione æqualitatem attingere; ita ut homines ordinarie sint de ea incerti, facileque errare possint in propria causa; non est probabile talem commutationem esse reliquat voulentis arbitrio: sed potius ad eam, sicut ad cæteras, requiri Pralati autoritatem, qui Dei gerens vices, eam ipsam æqualitatem determinet.

349.

De his latius pro scholastico instituto Suarez, in utroque illo cap. 18. & 19. vbi num. 5. bene etiam docet commutationem in aequali fieri non posse abesse iusta aliqua causa: quia hoc ipso quod opus est, in quod commutatio sit, non est secundum semelius eo, in quod commutatur: magis cōsentaneum est excellentia diuinæ ac fidelitati ei debita, ut illud ipsum, quod promissum est, reddatur in propria sua specie. Ergo aliqua iusta causa exigitur ut fecerit fiat; adeoque ut debitum ex voto, commutetur in aliud, etiam in aequali: præfertim cum id sine iusta causa faciūt, non habeat rationem honestatis, scilicet virtutis: ideoque presumendum non sit Deum illud velle, taliq; debiti solutione contentum esse.

Necesse

Necesse tamen non est taliter causam, grauem esse; quia parum est id, quod tali commutatione remittitur. Tantum enim est onus reddendi in propria specie, quod ex voto debetur: cum interea, *vi supponimus*, et quale restituatur, licet in alia specie. Aduerte obiter ad commutationem que si in eidenter melius, non requiri iustam causam ultra eam, quam intrinsece continet, bonitatis maioris. De quo idem Suarez in cit. cap. 18. num. 9.

De eo in quo commutatur votum.

S E C T I O II.

350.

Illud in quo votum commutatur, potest esse ut prædictum, bonum melius aut etiam minus. De primo notandum est, in hac re, bonum melius estimandum esse, non tam ex eo, quod sit actus excellentioris virtutis, quam ex eo quod aptius sit accommodatus ad finem videntis. Quia Deus bonorum nostrorum non indiget, id quod ei per votum offertur, eo ipso acceptius est, quod accommodatus videnti, ad finem voti sibi propositum. Itaque ad votum commutandum ita melius, non est consideranda sola excellentia operis, in quo sit commutatio, sed etiam utilitas videntis in ordine ad finem voti. Hinc qui ad carnis macerationem ieunium voulit, sed illud commutet in orationes vel elemosynas, non censabitur facta commutatio in maius bonum. Quia licet oratio & elemosyna praecellentie ieunio (cum hoc sit actus temperantiae, & illa, actus religionis & charitatis, que sunt virtutes excellentiores) non adeo tamen conducunt ad carnis macerationem. Censabitur vero facta illo modo, si ieunium recepto modo seruandum, commutetur in ieunium seruandum sumendo tantum panem & aquam, aut in aliis austeriorem penitentiam, ut flagellationem vel cilicij, accommodatorem ad domandam carnem. Hinc etiam, qui in Dei obsequium voulit, se alii cui Ecclesia aliquid daturum, si competerit eidenter, obsequium gratius futurum, si illud in donum dederit pueræ, quae se alioqui proficiunt est, poterit uti commutatione. Aduerte obiter tunc maxime tatum in conscientia censeri eum qui votum propria auctoritate commutat, quando id facit in bonum continent illud voulit, & aliquid amplius; ut qui voulit ingredi religionem laxiorum, & ingreditur arctiorum; & qui voulit seruere hospitali in quo parum laborandum est, & seruere hospitali in quo ob multitudinem infirmorum est multum laborandum ad maius suum meritum; & sic de aliis casibus in quibus eidenter constat illud in quo fit voti commutatio, maioris meriti esse apud Deum tanquam ei gratius.

De secundo, hoc est, de bono etiam: aduentendum est, quod esti valde difficile sit in commutatione voti attingere exactitatem; nihilominus commutantem debere ad eam attingendam conatum adhibere, prudenter inspectis, ponderatique circumstantiis, prout in sequentibus dicetur. Quod si bona fide seruet commutando, valida erit commutatio, etiam si ea forte fiat in minus bonum: quia facultas ad istiusmodi commutationem, tanquam moralis, latitudinem requirit ad suum exercitium, in quo vix alter exire posset: ita ut cum de contrario non constat, censetur non aberrasse; aut si parum aberrasse deprehendatur, pro nihilo reputetur. Ita Suarez in citato cap. 19. num. 9. Addens, quod si sit ram de excessu quam de defectu dubium, exactitas adesse censeatur, quando ipsum in vitramque partem vergit exactitatem: quia per humanum arbitrium nihil potest certius iudicari.

De tertio demum, hoc est, de bono minori iudicandum est, non tam ex eo quod sit minus excellens, quam quod sit minus accommodatum ad voti finem: sicut de elemosyna ad carnis macerationem est minus accommodata, quam ieunium.

De commutante.

S E C T I O III.

351.

De commutante notandum est: quendam esse ordinarium qui ex officio quod gerit regendi alios, potestatem habet commutandi votum: ut censetur habere omnis ille, de quo dictum est in præced. cap. potestatem habere dispensandi in voto. Quendam vero esse delegatum, ut est is cui

aliquis ex ordinariis commisit faciendam vice ipsius commutationem. Vbi adverte pro præcepto quod cum iuxta ante habita in sect. i. alterutra earum necessaria sit ad talem commutationem, patere eam non posse fieri arbitrio iudicione Confessarij, qui ne delegatam quidem habuerit. Nec enim potest ratione sacramenti precentia, quia votum non est illius materia, cum non sit peccatum: nec ratione doctrinæ & prudentie eiusdem Confessarij. Nam inde dici potest quidem idoneus ad iudicandum de exactitate quam istiusmodi commutatione voti; non tamen ad faciendam ipsam commutationem; sicut nec potest alias perinde doctrinæ & prudens, qui non est Confessarius.

Aduerte quoque dubium esse, an cum in Iubilæis aut alias Confessarij datur sine restrictione facultas commutandi vota, id intelligi possit de ea etiam commutatione que sit in minus bonum. In vitramque partem Suarez in memorato cap. 19. num. 7. authoris refert, & negantem veriorem indicat: addita moderatione, quam paulo superius attigit, seruandam in iudicando de exactitate quam istiusmodi commutatio requirit. Fundamentum illius est, quod esti priuilegia favorabilia sint, extendenda tamen non sint ultra verborum proprietatem: & commutationis verbum propriè significet mutationem in etiam: prædictum cum habeat rationem contra actus onerosi, id unus non debet gravari, præ alio, ne iustitia violetur. Accedit, quod commutatio in minus bonum requirat coniunctionem facultatis dispensandi, cum facultate commutandi, cum pars debiti condonetur in ea, quod est facultatis dispensandi: quia non contingit nisi ipsa expresse detur, iuxta tradita in præced. num. 339. Et confirmatur quia si contingeret, si potestatem habet delegatum votum commutandi, posset illud commutare in quodvis minus, ad instar ordinariorum, adeoque simpliciter dispensare, quod nemo dixit.

Aduerte tertio. Cum quis facultatem habet, ut Confessarium eligat, qui cum ipso dispensare possit in aliquo voto, non censeri cum eodem dispensatum, nisi electus dispenset actu: quantumcumque pro potestate sibi commissa, ab omnibus peccatis, & censuris ipsum legitime absolvitur, indulgentiasque concederit, ex Nauar. in Enchir. cap. 12. num. 79. Et ratio est, quod relaxatio voti, nec culpa, nec paenitentia remissio, sed alterius debiti, ut de se constat.

De ipsa facultate eligendi personam, qua possit vota commutare vel in eis dispensare, Suarez in eod. lib. 6. cap. 16. agit multis. Duo vero præcipue occurunt notanda pro quotidiana præcepto. Alterum est ex parte eius cum quo dispensandum est: nempe ut eligat personam prædictam qualitatibus illis, quas in adultum seu scriptum exigit: ut quod sit Confessarius, in aliquo certo gradu constitutus, & ab Ordinario approbatus: cuiusmodi qualitates exigunt solent in delegationibus ad dispensandum in votis religionis, aut castitatis. Alterum est ex parte dispensatur, nimisrum ut seruat formam in concessione præscriptam: ad quam cum restricta sit facultas delegata dispensandi, nisi ea seruet, exceedent illius limites, ac proinde irritus erit conatus. Quenam autem sit talis forma, colligendum est ex verbis scripti, quo facultas condetur. Solet autem potissimum præscripta examinatio causa necessaria ad iustam dispensationem: cetera que non prescribuntur expresse, censetur relicta prudens arbitrio. Intellige autem que de dispensatione dicimus, pariter dicta de commutatione: quia in hac re, utriusque ratio eadem est.

Documenta quedam notanda commutanti vota.

S E C T I O IV.

Is vero qui prædictam potestatem habet, dum uti vultilla, quorundam documentorum meminisse debet. Primum est, ut is cui concessa est ab Ordinario potestas commutandi votum, formam concessionis obseruet; adeo ut facienda sit commutatio, in utilitatem horum vel illorum locorum, aut personarum, nec aliter: si in facultate id exprimatur: ut notat Nauar. in Enchirid. cap. 12. num. 79. versus Monemus.

Secundum est: Cum ea sit vis reservationis casuum, ut inferiores nihil in eis possint, ex Concil. Trident. sess. 14. cap. septimo, in fine: illos quos in præced. cap. Papæ quoad dispensatio-

352.

353.

354.

penitentem referatos diximus: pariter dicendos esse quo-
ad commutationem referatos. Dubitatur autem; An per
generalem à Papa factam concessionem commutandi vota
possint referata communari. Ad quod esse respondentum
negatiue, satis significat Suarez in eodem lib. 6. cap. 26. sub
finem. Et probatur: quoniam talis concessio interpretan-
da est iuxta regulas iuris: inter quas 81. in 6. sic habet: In
generali concessione non veniunt ea, quae quis non esset vero-
similiter concessurus. Ex qua regula in cap. Si Episcopus,
De penitentia & remissione in sexto, probatur: quod si Episcopus
suo subditu generaliter concedat facultatem eligendi sibi
Confessarium, non ideo possit electus absoluere in casibus
eidem Episcopo referatus. Adde ex Extraag. Etsi domini-
ci 2. sub finem, De penitentia & remissionibus, talium vot-
rum commutationem non concedi nisi ex speciali causa, &
cerra scientia Papae.

Aduerte nihil minus non esse negandum, quin talis con-
cessio ad vota peregrinationum referata extendatur, quan-
do in bulla eiusdem concessionis (vt plerumque solet in bul-
lis quibus per modum Jubilaei indulgentiae conceduntur) vota
castitatis & religionis excipiuntur. Receptum est e-
niam exceptionem firmare regulam: seu efficeret ut ipsa loc-
cum habeat in omnibus casibus minoribus eo, qui excipi-
tur, sicut sunt casus obeundarum peregrinationum refer-
uarum, casibus seruanda perpetua castitatis, & ample-
ctendi religionem. Vbi aduertere obiter quoad casus ma-
iores eo qui excipiunt, non firmari similiter regulam. Eti-
am si eiusmodi concessione exciperetur votum peregrin-
andi ad SS. Apostolorum limina, non esset cuncta concessio
facultas dispensandi in voto peregrinationis ad loca
sancta Ierozolymis, quae censetur longe maior, vt longe dif-
ficilior.

355. Tertium est ad commutationem votorum, quibus aliquid
promissum est Deo, dandum certo loco aut certa persona;
non requiri consensum illius qui comodum accipere de-
beret: imo nec facta dispensatione aut commutatione, ne-
cessit esse aliquid ei dari. Ita habet ex D. Thoma, Angelo,
Sylvestre & Caetano. Nauarrus in Enchir. cap. 12. num. 78. &
post ipsum Azor. 1. part. lib. 11. cap. 19. quæst. 12. commu-
nemque esse, alius adhuc pro et citatu, habet Suarez in eodem
lib. sexto, cap. 15. num. 3. eam consequenter tractans: & ante
eum Nauar. ipse in tract. De redditibus Ecclesiasticis quæst. 1.
monit. 60. Præcipua autem ratio est, quod per talia vota
perinde ac peralita, obligatio contrahatur tantum cum Deo,
ex cap. Magnæ. De voto: cum illis aliis vero non item, ni-
si ex accidenti, & materialiter: cum non habeant rationem
personarum concurrentium ad naturam contractus; sed
tantum externalum circumstantiarum: quo sit vt non sit
eis acquisitum, sed tantum Deo, cui soli vouches se ad-
strinxerit.

Vnde inferre licet, talis voti perinde ac alterius non re-
feratur, commutationem fieri posse priuata authoritate in bonum
evidenter melius: vt si Deo vouch me daturum centum
in comodum certi monasterij, videns pauperes in
annonæ penuria mori fame, possum in eorum subsidium
illa donare, tanquam in opus tunc evidenter gratius Deo.
Quod si votum emisum sit in conformatiōne alicuius
promotionis facta alicui persona, quae eam acceptaverit,
ideoque ius acquisiterit in re promissa, ipsum non poterit
commutari sine eiusdem persona consensu: quia commu-
tatio cederet in illius præiudicium, fieretque illi iniuria: ni-
si quod possit propter publicam necessitatem, cogi iure suo
cedere. Hanc quoque communem assertionem habet Su-
arez in sequen. num. 7. Addens in numero vndecimo, tam
eudem, quam præcedenti locum esse, non modo compara-
tione ordinaria potestatis dispensandi; sed etiam potestatis
delegatae, absolute concessæ ad tollenda vota. Quia enim ra-
tione potestatis ordinariam habens potest, vel non potest
tollerare voti obligationem; potest vel non potest per alium à
se delegatum.

356. Quartum est, de quo in præcedenti num. 77. Nauary ex Ange-
lo in verbo Votum, 4. §. 12. commutanti votum considerandam
esse vouches qualitatem: nempe si commutet votum pere-
grinationis, spectando expensas quas vouches pro sua con-
ditione faceret cundo & redeundo, iuxta cit. cap. Magnæ,

(de quo Suarez in seq. cap. 19. num. 20.) vltra eas quas domi er-
rat facturus: illas conuertat in alia pia opera: laborem vero
itineris, in ieiunia & orationes. Item quoad alia vota personalia, quae in pecuniam aut aliquid pecunia estimabile
commutantur: quando emissi fuerint à pauperibus, minus
imponat pro illorum redēptione, quam si essent à diuitiis
emissa: videlicet habita ratione qualitatis personarum;
pauperi enim solutio paucorum numerorum plus est, quam
diuiti multorum: ac plus etiam apud Deum, ex cap. 12. Martini
sub fine, & ex cap. 21. Luca in principiis.

Quoad vota relativa autem, conuenientia fieri in aliquid rea-
le, nisi paupertas obstat, aut evidenter constet ad maius Dei
obsequium spectare, vt loco voti aliquod pium opus fiat.
Aduertere adhuc oportet quod Suarez habet in eodem cap.
19. num. 21. in voti commutatione seruandam esse, quoad
fieri potest, illius conditionem: non tamen esse necessarium:
& ita nihil obstat quin votum conditionale mutari possit
in abfolutum cum aliqua diminutione quantitatis; vt qui
vouit se in elemosynam daturum octo, si nauis appulerit
salua, mutari poterit in solutionem quinque tantumdem va-
lentium, quae certa sunt; ac illa octo, quae sunt incerta. Nec i-
tem obstat quin votum de danda quotannis certa elemosyna
per totam vitam, redimi possit una magna elemosyna: in iudicio viri prudentis adæquet illam quotannis repe-
tendum.

Quintum est, quod paulo superius attigimus, & Caet.
verbo Votum, cap. ultimum, Sylvestre. Votum 4. quæst. 8. dicto
2. & Nauar. in Enchir. cap. 12. num. 63. exprefserant: votum
debere commutari in æquale. q. 10 modo reducendum sit ad
proxim. non post certis documentis doceri: sed tanquam
varium ex varietate circumstantiarum relinqu prudenter
arbitrio, ex illis iudicantis vitiata omni fraude & late culpa.
Ponderanda sunt autem ab eo, inquit loco citato Suarez, con-
ditiones personarum, qualitates operum in ordine ad diuinum
cultum in primis: deinde in ordine ad bonum commu-
ne, vel utilitatem proximorum, præfertim spiritalem: ma-
xime autem ipsius vouchentis: præterea in ordine ad merendu-
m coram Deo, vel ad satisfaciendum pro peccatis; &
demum in ordine ad vitanda peccata futura, & eorum occa-
siones.

Versatur autem in questione: An semper sufficiat com-
mutationem fieri in æquale: an vero necessarium aliquando
sit fieri in melius, vt validare censetur. Sylvestre loco citato ex-
istimat, quando ex parte vouchentis non ex alia causa comuta-
di, quam voluntatis ipsius, non esse satis eam fieri in æquale:
sed requiri vt commutatio fiat in aliquid melius. Secus ve-
ro si intercedat causa commutandi: vt importatio, vel in-
commoditas seu difficultas implendi quod promissum est:
quia tunc sufficere potest commutationem in æquale fieri.
Idem etiam docet Nauarr. in cit. at. num. 63. Sed magis placet
dicere cum Caet. in cit. cap. ultimo, & 2. 2. quæst. 88. art. 12. ver-
su In commutatione: de iuris rigore, sufficere commutatio-
nem fieri in æquale, etiam nullam commutandi causa inter-
ueniat quam vt vouchentis misericorditer à commutante con-
descendatur in persona Dei: cui non displicerit gerentem
vices suas gratiosum se præbere ei, qui suæ maiestati sponte
se obligavit; præfertim cum gloria diuina nihil inde detra-
harunt: quandoquidem non vinculum, sed sola materia com-
mutatur; idque in aliam, vt supponimus, Deo æque gratam,
& ad quam exequendam promptius est voluntas vouchentis,
vt non quasi gemens sed hilaris soluat promissum: quando-
quidem hilare datorem diligit Deus, 2. ad Corinth. cap. 9.
Quamquam vt ille addit in eodem cap. vlt. vt commutans
tutor sit, conari semper debet vt commutet in aliquid, pa-
rum latenter melius.

359. Ut autem in aliquid minus bonum commutare possit
cum insta causa & potestate commutandi, in ipso requiritur
potestas dispensandi, vt cum commutatione misceatur dis-
pensatio, cuius virtute à vinculo voti subtrahatur illud quod
ab æqualitate deficit. Quæ doctrina est eiusdem Caet. in cit.
art. 12. & Nauar. in memorato num. 63. ac Sot. de iust. & iure
lib. 7. quæst. 4. art. 3. circa medium.

Postremum est: ad valorem tam commutationis quam
dispensationis, necessario requiri, vt ea ex libera commutan-
tis aut dispensantibus voluntate procedant: sunt enim actio-

nes humanæ, quæ liberum agentis confessum requirunt. Vnde sit, ut si constet sufficienter Prælatum tantum finxisse, nec intentionem huiusmodi commutandi, commutationem esse nullam. Similiter si contigerit ipsum deceptum fuisse, siue exponendo ei falsum, siue tacendo ei verum: per talem enim fraudem & errorem dispensatio aut commutatio est inuoluntaria: quandoquidem Prælatus non esset dispensatorius aut commutatorius, si veritas fuisse ei expressa, aut res sine falso narrata. Videndum est Suarez in sepe memoria lib. 6. cap. 27.

361. Vbi inter cetera habet sub finem, necessarium quidem esse dispensantis voluntatem sufficientibus signis manifestari exteriori, quoniam ea non potest aliter innoscere & operari inter homines: attamen nullam formam praescriptam esse, à qua dispensationis aut commutationis validitas pendat; neque id fuit necessarium, sed reliqui potuit arbitrio Prælati: quem nihilominus est conscientiam verbis portus, quam alio signo vit, tanquam institutis ad aprienda aliis animi nostri sensa. Quam doctrinam habet Palud. in 4 distinct. 38. quest. 4. art. 4. concl. 2. & post eum D. Anton. 2. part. tit. 11. cap. 11. §. nono, & Sylvestris in verbo Votum. 4. quest. 8. dicto primo. Ex qua intelligitur, quod Nauar. habet in Enchir. cap. 12. nu. 80. Sacerdotem cui confitetur aliquis habens priuilegium, quo potest cum ipso dispensare in voto, non censiari dispensasse eo ipso, quod post legitime factam confessionem, ipsum absoluere ab omnibus peccatis suis, & censuris, quoniam talis absolutio non prouenit à voluntate dispensandi in voto, aut illud commutandi, quæ fuerit expressa exteriori signo.

362. Tandem facturi finem monebimus illud quod latius tractat Suarez in eodem libro cap. 20. cum commutatio fieri possit, tum in bonum melius, tum in æquale, tum in minus: factam in melius sic feruandam esse, vt voulenti qui illam acceptauit non sit liberum relicta materia in quam facta est commutatio, refunere eam de qua fecit votum. Ratio est: quia acceptatio talis commutationis vim habet noui voti, quo acceptans obligauit se ad reddendum Deo aliquid melius, quam ante promiserat. Vnde hoc implere velle illo relicto, est virtute commutare votum ex meliore in minus bonum, quod non licet. Sic enim is qui voulit clericatum, & tale votum mutauit in votum religionis, non potest sine dispensatione religionem non ingredi, contentus clericatu. Factam autem commutationem in æquale bonum non obstat quia voulens possit satisfacere voto, implendo quod voulit, relicto eo in quod commutatum fuit ipsius votum. Ita citato Azorio idem author ibidem numero quarto statuit. Extratio esse potest, quod talis commutatio merito videatur facta in fauore voulentis, tanquam gratia quædam, sicut paulo superius proposuimus: atque adeo non immerit dici possit cœliusmodi commutatio eo sensu facta, vt voulenti liceat adhuc si velit votum in sua materia implere, cum in eo nec repugnantiæ nec iniuriantiæ cernatur: vt nec cum dispensator ei qui domino suo aliquid liberaliter promisit, gracie permittit, vt aliud aquale, & ipsi domino perinde gratum det si velit. Factam denique commutationem in minus bonum, non obstat, quia votum possit in sua materia impleri, patet; quia sicut illa est bonum melius, ita est & Deo gratius.

TRACTATUS IV. vt præcedentis appendix.

De statu Religiosorum.

QVONIAM VOTO POTISSIMUM Religiosorum statutus constat: conuenienter de eo præcedenti subiungitur tractatus. Ad quem spectant quæ habentur in secunda parte decreti causa 18. 19. & 20. & in reliquis iuris canonici partibus, quæ habentur quinque titulis: quorum primus est de regularibus & transfeutibus in religionem. Secundus, de conuersione conjugatorum. Tertius, de statu monachorum & regularium. Quartus, de religiosis domibus. Quintus, ne clerici vel monachi secularibus negotiis se immisceant:

Quibus accedit Concilium Tridentinum multis in locis quos Azor collegit in prima parte Moral. Institut. lib. 12. cap. 18. De eodem vero post Diuum Thomam 2. 2. in quatuor ultimis questionibus, agunt præter Summarios in verbo [Religio, aut in verbo] Religiosus, & in verbo [Nouitius] multique alii: & inter ceteros ad iudicium de peccatis nobis propositum accommodate Nauarr. in quatuor commentariis seu tractatibus de regularibus tomo primo suorum operum, & Azor in citato lib. 12. & seq. 13. apud quem, & adhuc apud Emanuelm Rodericum in tribus tomis questionum regularium relinquimus videnda, quæ sunt particularia diuersorum ordinum religiosorum: contenti communibus, ex quibus Parochus aut alius audiendis confessionibus expeditus, cuius instructionem intendimus, habeat vnde non censetur cœcus cœcum ducere, religiosi confessionem audiens, sicut nonnumquam ei datur occasio. Primo autem dicimus de requisitis ad statutum Religiosorum. Secundo, de iis quæ incumbunt religionem ingressuris. Tertio, de iis, quæ ingressis. Quinto de iis, quæ egressis.

CAP. XXIV.

De requisitis ad statutum Religiosorum.

S U M M A R I V M.

- 363 Denomine Religiosi & necesse est votorum paupertatis, castitatis, & obedientie ad statutum Religiosum.
 364 Religiosus statutus præter eadem vota, requirit Sedis Apostolicae approbationem.
 365 Ad statutum Religiosorum, nec illa tria vota sine istiusmodi approbatione, neg. hec sine illis sufficere potest.
 366 Tria memorata vota esse solemnia, non est necessarium ad statutum Religiosum.
 367 Ratio eius res.
 368 Soluio eorum que in contrarium objici possunt.
 369 Tres viri a spirituali modi: ex quibus distinguuntur tria genera ordinum Religiosorum.
 370 Inter varios ordines religiosos quis cui præstare consensus fit.

PRÆNOTANDVM est, Religiosos quidem dici posse omnes qui sancte ac pie Deum colunt: eo quod religionis virtus sit, qua Deo cultus debitus exhibetur: per Antoniam tamen quandam Religiosos Ecclesia nominari consuevit eos qui peculiari vita in statuto, & nominatio tribus votis paupertatis, castitatis & obedientiae se totius diuino cultui addixerunt. Vnde illorum statutus requirit tanquam necessariam conditionem eadem tria vota: quia ea de causa religioni essentialia esse dicuntur. Ratio vero talis necessitatæ est, quod is status sit hominum tendentium ad perfectionem, consistente in coniunctione cum Deo fine ipsorum ultimo. Quæ quidem coniunctione fit per charitatem, iuxta illud primo I. Ioan. 4. Qui manet in charitate in Deo manet, & Deus in eo: atque ilud ad Colos. 3. Super haec autem omnia charitatem habete, quod est vinculum perfectionis. Iam vero ad charitatem habendam, & vt quis Deum perfecte diligat, debet se totum extrahere, omniisque talis dilectionis impedimenta removere, ad quod utrumque consequendum, opus habet obedientia castitatis, & paupertate perpetuis, quibus Deo se omnino tradat: per obedientiam quidem quod animum: per castitatem vero, quod corpus: & per paupertatem quo ad bona externa.

Impedimenta vero sunt mundanae cupiditates: iuxta illud 1. Ioan. 2. Si quis diligit mundum non est charitas Paris in eo; quoniam omne quod est in mundo concupiscentia carnis est, concupiscentia oculorum, & superbia vita. Quibus verbis significat tres esse impedimentorum charitatis quasi fontes: qui vt obstruantur tribus memoratis virtutibus est opus: castitate quidem, vt obstruantur concupiscentia carnis, paupertate vero, vt concupiscentia oculorum: & demum obedientia, vt superbia vita. Non sufficiunt autem eadem virtutes ad religiosum statutum, nisi ad eas votum accedit, quo promissione facta Deo obstringat se quis ad earum